

**BEPALINGS EN VOORWAARDES KLEIN KAROO AGRİ EDMS BPK LOJALITEITSPROGRAM
NIE LEDE – GEEL KAARTE**

ALGEMEEN

- 1.1 'n Persoon wat nie 'n aandeelhouer van Klein Karoo Edms Bpk is nie, sal outomaties kwalifiseer en geregistreer wees om aan die Lojaliteitsprogram deel te neem, indien –
- 1.1.1 hy/sy homself/haarself skriftelik verbind tot deelname aan die Lojaliteitsprogram
- 1.2 'n Nie-Lid se deelname aan die Lojaliteitsprogram is onderhewig aan die bepalings en voorwaardes soos hierin uiteengesit.
- 1.3 Klein Karoo Agri Edms Bpk sal nie enige kostes en/of fooie aan deelnemers hef ten opsigte van deelname aan die Lojaliteitsprogram nie.
- 1.4 Eerste kaart word gratis oorhandig. Verlore/beskadigde kaart kan teen 'n koste vervang word.
- 1.5 Deelnemende nie-lede is verantwoordelik om korrekte persoonlike inligting aan Klein Karoo Agri Edms Bpk te voorsien en om Klein Karoo Agri Edms Bpk onmiddellik in kennis te stel indien enige van die inligting verander.
- 1.6 Die ooreenkoms word geïnterpreteer en uitgevoer in ooreenstemming met Suid-Afrikaanse Wetgewing.

KONTANTTERUGBETALING

- 2.1 **GEWAARBORGDE KONTANTTERUGBETALING**
Lede sal na aankope (btw uitgesluit), kwalifiseer vir hierdie kontantterugbetaling wat as volg verdeel word per voorraadgroep:
- | | |
|-------------|-------|
| Besproeiing | 0.25% |
| Boerdery | 0.25% |
| Brandstof | 0.25% |
| Meganisasie | 0.25% |
| Veevoer | 0.25% |
| Vrugte | 0.25% |
| Ander | 1.00% |
- 2.2 Fondse beskikbaar op die kaart kan in enige Klein Karoo Agri Edms Bpk winkel gebruik word teen kontant aankope van enige aard.
- 2.3 Fondse beskikbaar sal ter enige tyd besigtig kan word by 'n kiosk in een van die winkels of op Klein Karoo Agri Edms Bpk se webblad: <https://www.kleinkarooagri.co.za>
- 2.4 Klein Karoo Agri Edms Bpk behou die reg voor om die Lojaliteitsprogram ter enige tyd te beëindig.

ALGEMENE BEPERKING VAN AANSPREKLIKHEID EN VRYWARING

- 3.1 Klein Karoo Agri Edms Bpk sal nie aanspreeklik wees vir enige verlies, uitgawe, eis of skade (hetsy direkte, indirekte of gevolgskaade), wat 'n lid ter enige tyd mag ly of opdoen as gevolg van of in verband met sy deelname aan die Lojaliteitsprogram nie en/of agv 'n verlore kaart nie.
- 3.2 Die kaart dien nie as identifikasie van die kaarthouer nie.
- 3.3 Aankope by Reinders Garage Edms Bpk kwalifiseer nie vir hierdie Lojaliteitsprogram nie.
- 3.4 Elke klousule van hierdie bepalings en voorwaardes staan apart van die res van hierdie bepalings en voorwaardes. Indien enige van hierdie bepalings en voorwaardes onwettig, ongeldig of onafdwingbaar is of word vir enige rede hoegenaamd, sal dit geag word nie by hierdie bepalings en voorwaardes ingesluit te wees nie, welke beteken dat-
- 3.4.1 Die res van hierdie bepalings en voorwaardes nie onwettig, ongeldig of onafdwingbaar sal wees nie;
- 3.4.2 Dit geen effek sal hê op die wettigheid, geldigheid of afdwingbaarheid van enige ander bepalings of voorwaardes nie.

AFSTERWE

- 4.1 Klein Karoo Agri moet in kennis gestel word wanneer die hoofkaarthouer tot sterwe kom.
- 4.2 Geen kontantterugbetalings sal na die kaart gekrediteer word na datum van afsterwe nie.
- 4.3 Enige fondse beskikbaar op datum van afsterwe, sal aan die boedel van die oorledene beskikbaar gestel word.

SESSIE

- 5.1 'n Kaarthouer mag nie enige regte en/of verpligtinge onder hierdie ooreenkoms sedeer nie.

BEVESTIGING DEUR NIE-LID

- 6.1 'n Nie-Lid, deurdat hy/sy hom/haar skriftelik verbind het tot deelname aan die Lojaliteitsprogram, bevestig dat-
- 6.1.1 deelname aan die Lojaliteitsprogram uit vrye keuse is
- 6.1.2 Die regte en verpligtinge wat aan die lid verleen en opgelê word ingevolge hierdie bepalings en voorwaardes gelees, verstaan en aanvaar is
- 6.1.3 dat die gebruik van sy/haar persoonlike inligting onderworpe is aan Klein Karoo Agri Edms Bpk se beleid op persoonlike inligting (soos opgedateer van tyd tot tyd), welke beleid beskikbaar is op aanvraag.

Die aansoekvorm is onderteken deur die deelnemer te (plek), op dag van(maand) 20.....

.....
VOLLE NAAM EN VAN

.....
HANDTEKENING